

Bosna i Hercegovina
Federacija Bosne i Hercegovine



Босна и Херцеговина
Федерација Босне и Херцеговине

KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša

КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Na osnovu člana 22. stav 2. Zakona o izvršavanju Budžeta Kantona Sarajevo za 2021. godinu („Službene novine Kantona Sarajevo“, broj 5/21) i Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo („Službene novine Kantona Sarajevo“ br: 33/11, 3/12 – Ispravka, 37/13, 16/14, 6/17, 43/20, 20/21 i 28/21), Ministarstvo komunalne privrede, infrastrukture, prostornog uređenja, građenja i zaštite okoliša objavljuje

JAVNI POZIV

za finansiranje/sufinansiranje projekata neprofitnih organizacija i udruženja iz oblasti zaštite okoliša sredstvima Budžeta Kantona Sarajevo za 2021. godinu

PREDMET JAVNOG POZIVA

Predmet javnog poziva je prikupljanje prijave neprofitnih organizacija i udruženja iz oblasti zaštite okoliša za finansiranje/sufinansiranje projekata usmjerenih na jačanje svijesti o značaju kvalitetnog upravljanja otpadom, zaštite zraka, voda, tla i očuvanju, promociji i održivom korištenju okoliša i prirodnih resursa.

PRAVO UČEŠĆA

Pravo učešća i pravo na dodjelu sredstava imaju registrovana udruženja i neprofitne organizacije čiji su projekti iz oblasti zaštite okoliša, a koja ispunjavaju opće i posebne kriterije iz Javnog poziva.

KRITERIJI ZA DODJELU SREDSTAVA

Opći kriteriji:

1. registracija udruženja na bilo kojem nivou vlasti u Bosni i Hercegovini,
2. realizacija projekata koji su od interesa za građane Kantona Sarajevo ili doprinose razvoju i afirmaciji Kantona i provode se na području Kantona,
3. ekonomska i društvena opravdanost projekta koje udruženje predlaže i sprovodi,
4. program rada za tekuću godinu sa obrazloženjem,
5. finansijski plan za tekuću godinu,
6. izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu),



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177

Sarajevo, Reisa Džemaludina Čauševića 1



7. finansijski izvještaj o utrošku sredstava za projekte odobrene u prethodnoj godini,
8. da je udruženje/organizacija registrovano u oblasti zaštite okoliša (jedan od ciljeva mora biti zaštita okoliša).

Posebni kriteriji:

1. prilagođenost predloženog projekta potrebama invalidnih skupina,
2. prilagođenost predloženog projekta potrebama nacionalnih manjina,
3. organiziranost i broj članova udruženja,
4. projekti i programi čije su aktivnosti usmjerene na:
 - zaštitu prirode i očuvanje prirodnih resursa,
 - edukacijske i informacijske aktivnosti u području zaštite kvaliteta zraka, uz poticanje racionalnog korištenja energije,
 - konkretne akcije uređenja, čišćenja, pošumljavanja, ozelenjavanja,
 - konkretne akcije unapređivanja svijesti o važnosti zaštite okoliša.

POTREBNA DOKUMENTACIJA

Dokumenti koje je potrebno dostaviti u prijavi:

1. Popunjen prijavni obrazac broj 7.3-02-01/01 za finansiranje/sufinansiranje projekta (obrazac se nalazi na web strani Ministarstva ili se može direktno preuzeti u prostorijama zgrade Kantona Sarajevo – Protokol, ul. R.Dž. Čauševića 1;
2. Rješenje o registraciji (ukoliko je izmijenjeno, dostaviti i osnovno rješenje);
3. Uvjerenje o poreskoj registraciji – identifikacioni broj i račun u poslovnoj banci;
4. Program rada za tekuću godinu;
5. Finansijski plan za tekuću godinu;
6. Finansijski izvještaj o utrošku sredstava za projekte odobrene od svih donatora u prethodnoj godini;
7. Uvjerenje o izmirenim poreskim obavezama ili uvjerenje poreske uprave da udruženje/organizacija nije poreski obveznik;
8. Uvjerenje o izmirenim porezima i doprinosima za zaposlenike ili izjava ukoliko udruženje/organizacija nema zaposlenih lica;
9. Bilans stanja, bilans uspjeha i narativni izvještaj za prethodnu godinu;
10. Dokaz da je udruženje/organizacija registrovano u oblasti zaštite okoliša (iz Rješenja o registraciji ili Statuta udruženja - jedan od ciljeva mora biti zaštita okoliša);
11. Izjava o finansiranju udruženja iz drugih izvora ili drugih nivoa vlasti u 2021. godini.

Dokumentaciju je potrebno numerisati i dostaviti redoslijedom kako je navedena.

Organizacija/udruženje koje je registrovano u 2020. godini i nije dobilo sredstva za projekte, nije dužno dostaviti dokumentaciju pod rednim brojevima 6. i 9.

OCJENA PRIJAVA:

Ocjenu i pripremu prijedloga rang liste projekata neprofitnih organizacija i udruženja pristiglih na ovaj poziv, vrši Komisija koju imenuje Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo.

Neće se uzeti u razmatranje prijave neprofitnih organizacija i udruženja:

- koji nisu dostavili narativni i finansijski izvještaj o utrošku odobrenih budžetskih sredstava za programe ili projekte u prethodnom periodu, a prema uslovima propisanim aktima o odobravanju,



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



- koji apliciraju sa projektima koji su ranije podržani od strane Ministarstva,
- koji ne ispunjavaju opće i najmanje jedan posebni kriterij iz ovog poziva,
- čiji projekti nisu prijavljeni na način propisan ovim pozivom,
- čiji projekti imaju komercijalni ili isključivo naučno-istraživački karakter,
- čiji su projekti napravljeni samo u korist članova organizacije/udruženja,
- čiji projekti nemaju konkretne i mjerljive aktivnosti.

PODNOŠENJE PRIJAVA:

Prijave se dostavljaju u zatvorenoj koverti sa naznakom „Prijava na Javni poziv za finansiranje/sufinansiranje projekata neprofitnih organizacija i udruženja iz oblasti zaštite okoliša sredstvima Budžeta Kantona Sarajevo za 2021. godinu – ne otvaraj“, na protokol Kantona Sarajevo ili poštom na adresu:

Kanton Sarajevo
Ministarstvo komunalne privrede, infrastrukture, prostornog uređenja, građenja i zaštite okoliša
Reisa Džemaludina Čauševića br. 1
71000 Sarajevo

Prijava u cijelosti mora biti dostavljena u printanoj formi na A4 formatu.

Svi dokumenti koji se predaju u prijavi moraju biti originali ili ovjerene kopije.

Rok za podnošenje prijava je 25.10.2021. godine.

Nepotpune i neblagovremene prijave se neće uzeti u razmatranje.

Rezultati Javnog poziva će biti objavljeni na web stranici Kantona Sarajevo: <http://mkipgo.ks.gov.ba> u rubrici «Obavještenja» i u najmanje jednim dnevnim novinama visokog tiraža koje se distribuiraju na području cijele Bosne i Hercegovine.

Protiv Odluke o izboru korisnika sredstava, učesnik Javnog poziva može podnijeti prigovor Ministarstvu u roku od sedam dana od dana objavljivanja rezultata.

Sve dodatne informacije mogu se dobiti isključivo putem email-a:

mia.maslo.kapidzic@mkipgo.ks.gov.ba

MINISTAR

Enver Hadžiahmetović, dipl. ing. maš.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1

